

Pasidungog alang kang Kaubang Julius Giron

Komiteng Tigpatuman
Komite Sentral
Partido Komunista ng Pilipinas

Niadtong Marso 13 sa kaadlawon, giatake ug gipatay sa mga berdugong ahente sa pasistang estado si Kaubang Julius Giron ug duha pa ka kauban sa Baguio City.

Nagapaayu si Kaubang Julius sa iyang balatian nga *acute pancreatitis* nga nasuta niadtong Hulyo 2019 nga midaut sa iyang *kidney* ug nagpwera kaniya nga magpasyudad aron magpatambal. Ang pagpatay kaniya walay paglipudlipud nga laing kaso na usab sa *extrajudicial execution*, pulitikanhong pagpamatay, pagpatay sa *hors de' combat* nga lapas sa mga internasyunal nga makitawhanong balaod, ug kabahin sa madugoong kampanya sa pagpamatay sa pasistang rehimeng Duterte ug AFP-PNP sa mga rebolusyonaryo ug uban pang nagasukol.

Si Kaubang Julius nga mas naila sa rebolusyonaryong han-ay isip Kaubang Alban, Amian, Nars ug Kiko, 69 anyos na. Nagbangutan ang



Partido, Bagong Hukbong Bayan, mga alyadong organisasyon sa National Democratic Front of the Philippines ug ang rebolusyonaryong masa. Ato usang gikasubo ang kaubang duktor ug *aide* nga gidamay sa walay kaluoy nga pagpatay.

Hugot nga ginakundena sa Partido Komunista ng Pilipinas ang pasistang kabangis, pagpangabuso ug arogansya sa uhaw-sa-dugong papet nga rehimeng Duterte ug merse-naryong AFP-PNP. Walay pagtagad nilang gilapas ang kaugalingon nilang mga balaod, ang internasyunal nga mga sukaranan ug makitawhanong balaod, ingonman ang kasabutang CARHRIHL nga pirmado sa GPH ug NDFP dala sa hungog nga ambisyong suportahan ang papet

nga estado ug lunuron sa dugo ang mga nagtinguha sa pundamental nga kausaban sa katilingban.

Dili kanus-a man mapatuman ang ilang buktot nga laraw. Ang mga pasistang kabangis ug pagpanumpo labaw lamang nga nagpaulbo sa kasuko ug pagsukol sa mga dinaugda-ug ug ulipon. Sa matag Kaubang Alban nga ilang gipatay, daghan pang liboang anak sa katawhan ang napukaw ug mibarog aron ipadayon ang pagsukol hangtud mapukan ang paghari sa mga pasista, papet ug reaksyunaryo.

Nahigwaus kita tungod kay dakung kawad-on sa Partido ug rebolusyon si Kaubang Alban. Kadungan niini, ato siyang gipasidunggan tungod sa mga talagsaong nahimo sa

taas ug bug-os nga pag-alagad sa proletaryado ug sa katawhan. Ato siyang ginapasidunggan isip sumbawang komunistang lider, kadre ug manggugubat nga mipatuman sa krusyal nga papel sa pagpaasdang sa kalihukan ug pagsagubang sa Partido sa mga kalisdanan. Tungod sa iyang magilakong rekord, giboto siya sa Ikaduhang Kongreso sa Partido isip usa sa mga ikaduhang tigpangulo ug kagawad sa Komite Sentral, Kawanihang Pangpulitika ug Komiteng Tigpatuman sa Komite Sentral.

Maayo nga lider si Kaubang Alban sa Cordillera ug amihanang Luzon. Aduna siyay dugong-Igorot ug naghalad sa dakung bahin sa iyang rebolusyonaryong pagtuon ug praktika sa hisgutanan ug pakigbisog sa minoryang katawhan. Gagamit niyang giya ang Marxista-Leninista-Maoistang teorya ug linya sa Partido sa nasudnong hisgutanan, demokratikong rebolusyon sa katawhan, ug malungtarong gubat sa katawhan sa pagtuki ug pagsabot sa mga partikular nga kinaiya ug panginahanglan sa katilingban ug rebolusyon sa Cordillera. Gihatagan niya og partikular nga pagtagad ang mga leksyong gikutlo sa Partido gikan sa mga kasinatian sa sayong yugto sa gerilyang pakiggubat ug pagsukol sa pasistang diktaduryang US-Marcos ug ang pagdapat niini sa

pagtin-aw sa linya sa integradong pagpaasdang sa demokratikong rebolusyon sa katawhan ug pakigbisog alang sa paghukom-sa-kaugalingon sa minoryang katawhan sa Cordillera. Sa ingon, naabot sa kalihukan sa rehiyon ang wala pay katugbang nga gilapdon, gikusgon ug pagpangulo sa katawhang Cordillera ug ang pakigbisog sa Cordillera nahimong tataw nga pwersa sa pakigbisog sa mga nasudnong minorya, anti-diktaduryang pakigbisog ug tibuok nga nasudnon-demokratikong pakigbisog.

Lakip si Kaubang Alban sa gamhanang hukbong aktibistang gihimugso sa Unang Sigwa sa 1970 nga nagpakaylap sa kalihukang propaganda sa tibuok nasud ug nagsabwag sa binhi sa armadong pakigbisog sa lain-laing rehiyon. Sama sa uban pang liboang kabatan-onang estudyante, hinanali siyang mibalik sa rehiyong gidak-an aron ipakaylap ang propagandang nasudnon demokratiko, magtukod og mga balangay sa Kabataang Makabayan ug uban pang progresibong organisasyong masa, ug sugdan ang subsub nga gimuhatong propaganda, pagorganisa ug pagpalihok sa han-ay sa masang kabus ug uban pang demokratikong hut-ong sa kasyudaran ug kabanikanhan. Sa dihang marekrut sa Partido niadtong 1971, mibarog siyang kalihim sa Komite sa Partido sa Syudad sa Baguio ug Direktor sa Rehiyunal nga Kawanihan sa Unyon ng Manggagawa.

Sukad 1973 nagkonsentra siya sa pakigbisog sa kabanikanhan. Nahimo siyang kalihim sa Sanga sa Partido sa Platun sa BHB sa Montañosa (Ifugao-Benguet-Mountain Province) ug Upisyal Pangpulitika sa Platun. Nahimo siyang kagawad sa Komiteng Tigpangulo sa Partido sa Rehiyong IMP ug lakip sa mga nanguna sa pagpalapad sa mga sonang gerilya, pagorganisa sa mga minoryang Cordillera, pagtukod sa mga sandatahang yunit pangpropaganda sa hukbong bayan ug pagsugod sa gerilyang pakiggubat.

Nadakpan siya niadtong 1974

ug bangis nga gipaantus sa mga tortyurer sa pasistang diktadurya. Atubangan sa grabeng pagpaantus ug peligro, wala kanus-a man nantandog ang iyang baruganan ug kamatanud-anon sa Partido ug mga rebolusyonaryong prinsipyo. Kanus-a man, wala siya nagduhaduha sa iyang komitment sa rebolusyon ug katawhan. Sa pipila ka tuig nga pagkabilanggo, nahimo siyang usa sa nag-unang lider sa mga bilang-gong pulitikal nga maisugon nga nagpadayon sa pagsukol, nagtransporma sa mga preso ngadto sa eskwelahan, bansayanan ug sentro sa protesta ug pakigbisog.

Nakaikyay siya niadtong 1979, mibalik dayon siya sa kabanikanhan, ug direkta nga misalmot sa komprehensibong pag-asdang ug pagkusog sa pakigbisog sa Cordillera. Gipangulohan niya ang Komiteng Prubinsyal ng Kalinga niadtong miabot sa pagkusog ang armado ug dili-armadong pagsukol sa makawawon nga proyektong Chico Dam sa pasistang diktadurya. Nahimo siyang kagawad sa Komiteng Tigpatuman sa Komiteng Rehiyon sag IMP (Ilocos-Montanosa-Pangasinan) ug kagawad sa Komisyon sa Amihanang Luzon.

Ang upat ka gidak-ong distritong natarang gerilya sa Cordillera, nga adunay tag-usa ka gidak-ong platun nga sandatahang yunit pangpropaganda lagsik nga milapad nga pabaludbalud sa tabang ug tukmod sa gamhanang pagsulbong sa mga protesta ug masang pakigbisog batok sa Chico Dam, Cellophil ug nasudnong pagpangdaugdaug, ug batok sa pasistang diktadurya. Nalangkoban sa armadong pakigbisog ang tanang prubinsya, mikaylap ug misubsub ang mga taktikal nga opensiba sa hukbong bayan, mipaspas ang pagtukod og mga bag-ong platun ug iskwad tungod sa pagdaghan sa armas gikan sa mga taktikal nga opensiba. Milapad ug mikusog ang mga organisasyong masa, ang mga antipyudal nga pakigbisog, pagorganisa ug pagpalihok batok sa nasudnong pagpangdaugdaug ug ang



Espesyal nga Isyu | Marso 30, 2020

 [instagram.com/prwc.official](https://www.instagram.com/prwc.official)
 [@prwc_info](https://twitter.com/prwc_info)
 [fb.com/cppinfo](https://www.facebook.com/cppinfo)
 cppinformationbureau@gmail.com

Ang *Ang Bayan* ginamantala duha ka hugna matag bulan sa Komite Sentral sa Partido Komunista ng Pilipinas

lain-laing tipo sa kampanya ug pakigbisog sa masa, ug ang pagtukod og mga lokal nga organo sa pulitikanhong gahum. Sa lain-laing langkob ug ang-ang, milapad ug mikusog ang mga rebolusyonaryo ug progresibong pwersa ug pakigbisog pinaagi sa mamugnaon ug dinaghang-bahin nga kumbinasyon sa mga armado ug dili-armado, ilegal, semiligal ug ligal nga mga porma sa organisasyon ug pakigbisog. Gitukod ang Cordillera People's Democratic Front isip komprehensibong rebolusyonaryong nagkahiusang prente sa katawhang minorya alang sa nasudnong demokrasya ug katungod sa paghukum-sa-kaugalingon.

Sa ika-9 nga Plenum sa Komite Sentral napili si Kaubang Alban isip regular nga kagawad sa Komite Sentral. Nahimo siyang kalihim sa Komiteng Rehiyon sa Cordillera niadtong 1986 ug ikaduhang tagapangulo sa Komisyon sa Amihanang Luzon niadtong 1987. Gipangulohan niya ang pagbatok sa pagpaniak sa Pundok Balweg-Molina-Ortega ug ang ilang kampanyang maghulhog og kontra-rebolusyonaryong lokalismo sa han-ay sa masang minorya batok sa Partido, BHB, CPDF ug mga elementong gikan sa patag. Human moubulag sa Partido ug hukbo, paspas nga gibutyag sa maong pundok ang bangkrap nilang linya ug kinaiya sa dihang misurender kini sa reaksyunaryong gubyrno ug nahimong mga bayarang paramilitar sa AFP.

Sa ika-10 nga Plenum sa Komite Sentral mibarog si Kaubang Alban alang sa mga batakang rebolusyonaryong prinsipyo sa Partido ug Ikaduhang Bantugang Kalihukang Pagtul-id, batok sa rebisyonismo, "Wala" ug Tuong oportunistang

uban pang grabeng paglihis. Napili siya nga kagawad sa Kawanihang Pangpulitika ug Komisyong Militar samtang nagapatuman sa katungdanan isip tigpangulo sa Komisyon sa Amihanang Luzon. Gipangulohan niya ang mga organisasyon sa Partido sa amihanang Luzon sa subsub nga pagpuna ug pagtul-id sa grabeng kakulangan ug kahuyangan ug sa lisud nga subling-pagpakusog gikan sa dagkung kadaut ug pag-atras samtang nanalipod batok sa todong gyera sa papet nga rehimeng Ramos ug todong pagpanabotahe ug pagpaniak sa mga kontrarebolusyonaryong traydor nga nakalusot sa liderato sa Partido, hukbo ug NDFP. Napakyas ang mga atake gikan sa gawas ug sulod nga nagsulayng hingpit nga puuhon ang Partido ug rebolusyon. Subling-milagsik ang Partido ug mga rebolusyonaryong pwersa bisan og padayon hangtud karon ang pagbawi sa kanhing langkob ug kusog.

Sa ika-11 nga Plenum sa Komite Sentral napili siyang kagawad sa Komiteng Tigpatuman sa Komite Sentral ug mipatuman sa mahinungdanong katungdanan sa nasudnong pagpangulo. Sa maong katungdanan, gipangulohan niya ang pagsiguro sa kaluwasan ug subling panagtapok sa mga sentral nga organo sa Partido nga naigo sa bangis nga atake sa kaaway. Labaw pa, mipatuman siya sa nag-unang papel sa koordinasyon, pag-andam ug pagpahigayon sa Ikaduhang Kongreso sa Partido nga labaw pang nagpalig-on sa panaghiusa ug baruganan sa Partido sa mga batakang rebolusyonaryong prinsipyo ug sa pangkinatibuk-ang linya sa demokratikong rebolusyon sa katawhan

pinaagi sa ng malungtarong gubat sa katawhan. Giila sa Ikaduhang Kongreso sa Partido ug gihatagan og dugang pang duso ang pagpalambo ug promosyon sa dakung ihap sa mga kadreng kabatan-onan ug anaa sa kahamtong sa lain-laing langkob ug natad sa pakigbisog. Labaw pang gipalig-on niini ang Partido para sa pagpursigi sa dalan sa armadong rebolusyon atubangan sa *total war* sa pasista, papet ug reaksyunaryong rehimeng US-Duterte ug mapangahason nga pagwagayway sa pulang bandila sa proletaryong rebolusyon sa panahon sa transisyon ngadto sa bagong pagkusog sa pangkalibutanong sosyalistang rebolusyon.

Panahon sa mga grabeng pag-sulay, gipamatud-an ni Kaubang Alban ang iyang bug-os nga kamatinud-anon ug dedikasyon sa Partido ug rebolusyon. Sa dagkung hisgutanan, kanunay niyang matngon nga ginahatagan og pinakataas nga pagtagad ang mga rebolusyonaryong prinsipyo, ang pagsalig ug pakighiusa sa lapad nga masa, ang pagpatuman sa pagpangulo ug panaghiusa sa Partido, ug ang optimismo sa mahayag nga kaugmaon alang sa rebolusyon ug katawhan. Hangtud sa gigrabehon sa iyang balatian, ang kanunay niyang gihunahuna mao ang paspas nga makabalik sa iyang katungdanan ug pagtampo sa pakigbisog sa hut-ong ug katawhan.

Nawala man sa ato si Kaubang Alban, bantugan ang iyang kabiling mga sumbanan ug pagtulunan. Hingugmaon nato ang iyang panumduman ug lig-on nga baktason ang iyang proletaryong rebolusyonaryong dalan. AB

Mabuhi si Kaubang Alban!

Mabuhi ang Partido!

Mabuhi ang demokratikong rebolusyon sa katawhan!